

中阿含經

尊者阿那律陀，尊者難提，尊者金毗羅，其住林中。後先乞食，各歸坐禪，至於晡時，先從坐起者，或汲瓶水，能勝獨舉，如不能勝，則便以手招一比丘，兩人共舉，各不相語。五日一集，或兩說法，或聖嘿然。

評曰：此萬世結伴修行之良法也。

雜譬喻經

波羅奈國一人出家，自誓不得應真，終不臥息，晝夜經行，三年得道。又羅閱祇國。一沙門布草為褥，坐其上，自誓云，不得道終不起，但欲睡眠，以錐刺髀，一年之中，得應真道。

雜阿含經

如是比丘精勤方便，肌膚瘦損，筋連骨立，不捨善法。乃至未得所應得者，